

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

144

主 編 吳海鷹

副主編 吳建偉

雷興魁

雷曉靜

回族典藏全書

144

甘肅文化出版社
寧夏人民出版社

寧夏回族自治州人民政府

資助

寧夏社會科學院

主辦

寧夏少數民族古籍整理
出版規劃領導小組辦公室

編輯

第一百四十四冊 目錄

中國回教史鑒	民國鉛印本	民國·馬以愚		一
回教諸國文化史	民國鉛印本	民國·納忠		一八三

回族典藏全書

文獻名 中國回教史鑒
作者 民國·馬以愚
版本 民國鉛印本

政史類

中國回教史鑒

序

回教之道、敬一歸真、歸真者、歸乎造物之主宰、此主宰無似像、無方所、而雖然獨一者也、唐高祖時、教中先哲塞爾德宛噶思、奉穆罕默德之命、自天方賈經、航海至粵、爲回教入中國之始、故唐時其教大行、至今教中信徒、猶保持清真之風、飲食不與教外人同、是非有甚深之教義、嚴肅之教規、易克臻此盛耶、顧他教之宣傳也、禮拜及講道之外、特重翻譯、回教經典、則翻譯較少、偶有記述、亦鮮大部、蓋因教中人十分慎重、深恐翻譯不慎、語音輕重之間、有乖精義、毋寧用原文爲教、庶不失其真耳、曩歲在滬、晤懷寧馬君以愚、一見相契、馬君固篤守回教者、余告之曰、回教不甚措意翻譯、尊經尊聖、用意甚善、然無說以明之、徒使教外之人、見回教人之飲食、不肯與中土人同、妄從形式上揣測、而莫知其教義所在、似亦非宏揚之義、吾子何勿著一書、俾教外人得讀而知之、馬君因以其先考介泉先生所著回教考略後示余、回教考略者、乃清宣統三年、英人季理斐所著、以耶穌教徒之眼光、談說回教、頗有詆毀之處、故滬上回教同人、請介泉先生作書後以糾正之、余讀畢、復謂馬君曰、與其俟教外人隔靴搔癢、又須加以糾正、誠不如教中人自著一書、以公

序

一

文獻名 中國回教史鑒
作者 民國·馬以愚
版本 民國鉛印本

回族典藏全書

政史類

三

文獻名 中國回教史鑒
作者 民國·馬以愚
版本 民國鉛印本

中國回教史鑑

二

世之爲愈矣、馬君唯唯、未幾、復出示回教要指、簡要精詳、乃馬君應安徽通志館之請、刊入安徽通志宗教門者、及馬君赴漢皋、又適粵、分別幾三年、一日、郵寄中國回教史鑑於余、余受而讀之、且喜馬君之不負夙諾、成此聚精會神之鉅著也、向來宗教之書、恆偏於理論、而略於史實、此書則仿通鑑紀事本末、分類纂成、自唐迄今、記載咸備、又顧寧人始以回紇爲回回、後人遂沿其誤、此書一一辨正之、回回曆法、清初已失其傳、此書論列獨詳、至回教入中國之徑有三、一由海道入粵、一由高昌入西北方、一由雲南入西南方、此書皆詳考志乘而證實之、若夫教理教義之見於正史及私家著述而有訛舛者、亦多所辨正焉、馬君以此三書、合刊行世、屬余弁一言、余不敢以不文辭、謹書數語以歸之、記曰、夫孝者、善繼人之志、善述人之事、又曰、父作之、子述之、馬君有焉、

民國二十九年六月蔣維喬序於因是齋

中國回教史鑑序

余性好易、每以爲易之爲書、廣大悉備、其範圍曲成之義、顯仁藏用之道、儒者致其通達、百家傳其委曲、若欲溯流知本、極深研幾、必旁搜博采、紬繹貫通、而後易之精蘊、可得而見也、昔在京師、識懷寧馬先生以愚、几案間、多易說與岡緯之書、心竊異之、別後十年、遇於香港、一日偶及坤艮易位之說、相與往復、始知以愚舉曆象推步占驗風鑑、皆識其旨、因從問六壬、略知其意、未數數然也、以愚新著中國回教史鑑、出以示余、自回教入中土以來、千有餘年、歷代史乘與私家著述所載、或未該備、甚至差誤、以愚之書、於回教原始沿革、教名教義、以及在中土之寺墓遺跡、先賢懿德、其稱引之博、辨證之審、敘述之詳、回教史乘中所僅見也、又於回回曆法、推其本原、揭其領要、證以中西今昔之曆、差其同異而明其旨歸、非所謂既知曆法又知曆理者乎、中國自伏羲氏始作八卦、以通神明之德、以類萬物之情、黃帝造干支、協律呂、迎日推策、曆法以興、至於唐虞、堯命羲和、舜齊七政、皆治曆之事、三代曆法、淵源於易、故夏用連山、曆以寅月爲歲首、因連山首艮也、殷用歸藏、曆以丑月爲歲首、因歸藏首坤也、周用周易、曆以子月爲歲首、因周易首乾也、

中國回教史鑑序

一

文獻名
作者
中國回教史鑑
者
民國·馬以愚
本
民國鉛印本

回族典藏全書

政史類

五

文獻名 中國回教史鑒
作者 民國·馬以愚
版本 民國鉛印本

中國回教史鑑

古聖人治曆明時、以前民用、皆所以致中和而贊化育者也、曆與天地準、然後可以致天地之中和、易與天地準、故曆必準於易、此中國曆法之大原、亦治曆之特徵、堯之禪舜曰、天之曆數在爾躬、以大位相授受、不言政而言曆、其故可知矣、後王德薄、罔識天道、所謂曆數、掌諸太史氏記時日而已、孔子曰、鳳鳥不至、河不出圖、吾已矣夫、夫書始堯舜之典、詩存七月之章、春秋揭春王之義、爲邦垂夏時之訓、要皆大義之所存、未可視爲偶然也、回教聖人穆罕默德、生於西土、聰明天資、作君作師、政教律曆、巍乎大成、此與中土聖帝明王、蓋無二致、以愚因述回教史而進論回曆、思深哉、思深哉、張平子有言、聖人明審律曆、以定吉凶、重之以卜筮、雜之以九宮、經天驗道、本盡於此、又言律曆卦候九宮風角、數有徵效、世莫肯學、觀此可知易象數理之學、在漢已微、學者樂尙空談、又未知道器之辨、存乎其人、形上形下、初無畛界、徒慕玄達、致成疏闊、索隱行怪、更無論已、大抵學易之道、師資爲先、徑道旣明、鏗而勿舍、於姬孔之後、上考漢學、而下綜宋世先天之理教、以觀其會通、絜靜精微之旨、其庶幾乎、以愚與余志同、所學博而用力甚勤、余益友也、讀其書、爰爲敍而論之如此。

民國二十八年六月均縣蕭萱

中國回教史鑑序

懷寧馬君以愚、其先出自天方、大父紹文先生精微性命之學、臨終神應赫然、端坐而逝、尊人介泉先生以文學起家、所考證回教史文、傳於學者、以愚自髫髻之時、承過庭之訓、弘通淹洽、多能藝事、凡陰陽圖緯方術祕記、過目默識、兼采百家、無不綜貫、蓋所自得者深矣、嘗念回教流入中夏、已逾千稔、而其淵源教義、及古德應化事績、往往傳聞異辭、疑莫能明、乃躬赴浙蘇閩粵、周訪利墓、求其碑牒、覈其時代、游踪所至、載筆而書、遂成卷帙、命曰回教史鑑、此雖僅以愚之餘事、然其詳且勤、已爲不可及也、又因是研習回回太陰曆法、知陰陽曆之辨、至其論謨罕垂教之旨、歸本於道德仁義、與吾國玄儒之所以教人者不殊、嗚呼、斯道也、推而放諸東海而準、推而放諸西海而準、人同此心、心同此理也、謨罕之爲教至剛、可以摧伏姦邪、振滌昏滯、其徒姓守其戒敕、至於今無敢或越、蓋聖之強者也、天下滔滔、羣言淆亂、彌於六合、安得大人巨子一起而廓之撥而正之乎、余羈旅疾病之餘、以愚與級秋蕭子、頻遇我於窮島寂寞之濱、相與上下議論、以忘其憂、是亦不可無記也、併因序以愚之書而發之、

中國回教史鑑序

一

文獻名 中國回教史鑑
作者 民國·馬以愚
版本 民國鉛印本

回族典藏全書


政史類

七

文 獻 名 中國回教史鑒
作 者 民國·馬以愚
版 本 民國鉛印本

中 國 回 教 史 鑑

民
國
二
十
八
年
六
月
樂
至
謝
无
量



序

太史公曰、予讀孔氏書、想見其爲人、適魯、觀孔子廟堂、低回留之不能去、何其感人之深也、書曰、皇天無親、惟德是輔、予既述回教要指、言其體要、復考諸史志、道其所歷、而著於篇、爲中國回教史鑑、並論其曆法、以究其歸、六藝於治一也、予又何讓焉、

中華民國二十九年歲次庚辰春三月懷寧馬以愚序於香港

序

一

文獻名 中國回教史鑒
作者 馬以愚
版本 民國鉛印本

回族典藏全書

政史類

九

例言

一 先大父紹文公信道篤、持躬嚴、生平不妄語、好施與、而自奉儉約、家有餘貲、輒以與人、然未嘗有非義之財、蓋不私其一身也、清宣統二年、歲庚戌、夏四月、端坐見背、忠信篤敬、有以致之、明年辛亥、先君子介泉公撰回教考略書後成、舉以誨予兄弟曰、讀者當明聖賢之道、思繼先人之志、爾輩其勉之、兢兢二十餘載、深懼弗克負荷也、

一 阿剌伯語、稱回教爲伊斯蘭母、義爲和平也、英譯音同、今譯伊斯蘭、音略而義非矣、清季稱天方教、以明史名阿剌伯爲天方國、今多稱爲回教、沿明史之舊、故是書名中國回教史鑑、

一 至聖先師孔子之道、致人事而畏天命、至聖穆罕默德之教人者、遵天命而敬人事、宋代大儒程朱諸子、皆洞徹天人之旨、明儒如黃太冲李二曲、亦能會通、曲盡其妙、萬殊一轍、理無二致也、

一 歷代紀載回教之書甚少、出入之處亦多、唐書宋史稱阿剌伯爲大食國、明史則分爲天方、默德那、阿丹、互不通貫、而私家著述可徵信者、惟唐杜環、賈敦詩、

例言

一

文獻名 中國回教史鑒
作者 民國·馬以愚
版本 民國鉛印本

回族典藏全書

政史類

一一

文獻名 中國回教史鑒
作者 馬以愚
版 本 民國鉛印本

中國回教史鑑

二

元汪煥章、明馬歡、清錢曉徵、魏默深、洪文卿數人而已、

一 回教人之入中國、當在唐武德貞觀之際、自粵而閩而浙、由運河而行也、肅宗至德二載、曾平安史之亂、以收兩京、至元代囊括宇內、而西北回教人盛矣、迄今千三百餘歲、受禍之烈、以清爲甚、新疆陝甘雲南諸省、相繼變作、蓋由清室之歧視、而疆吏好大喜功殘民以逞之所致也、誠哉侯官林少穆之言、以回保漢、以漢保回、永禁侵陵、務敦和睦、此立國之本、萬世不易之論、而回教人遵從所在國家法令、固屬天命也、

一 回回曆法、失傳久矣。明貝宗器、唐荆川、袁了凡、周述學、黃太沖、清時吾省梅定九、江慎修、戴東原、均有論述、可得而考也、今擇其要者言之、

一 明清一統志、記載各省回教寺墓不詳、而各省地方志、屢修則屢易其辭句、今采古今圖書集成言之、至人物志、曩見吾友南陽水君子立、所撰回教名人傳、蒐輯甚富、考核亦精、可考證也、

一 回教殯葬之禮、外無棺槨、掘土穿壙、所謂土葬也、既經埋藏、豈可再使骸骨暴露、仁人尙掩骼埋胔、惟望賢正有司、哀而矜之、則長眠人之報、又豈銜環而已耶、

一 自維不才、承教於師友者甚多、然而未能也、周易爲黃岡萬君玉拂耀崑、休寧余

文獻名著
作者 中國回教史鑒
本 者 民國·馬以愚
版 本 民國鉛印本

例言

三

一
子德民、均縣蕭子叙秋萱、大興蘇子濟瀛大鈞、武進蔣竹莊先生維喬、德民叙秋、均精形家之學、而德民又知遁甲、濟瀛識易之象數、竹莊通道家之玄、春秋爲桐城楊師亮甫敬錫、小學爲懷寧吳師季白傳綺、史學爲進賢胡子庶同道繹、庶同於歷代疆域典章、治亂興替、瞭如指掌、古文爲懷寧丁師述明景炎、樂至謝子无量、天文爲南昌徐遜齋先生、先生於勾弧壬遁堪輿星命之學、俱臻精微、書畫爲江陰張小廬先生枏、縉雲樓子辛壺虛、桐城潘寄岑先生淇、小廬善章草、嫻內典、辛壺精金石、寄岑擅書譜、而私淑涇縣包慎伯世臣、慎伯服膺鄉先輩鄧石如完白山人、稱其篆隸眞書、爲神妙之品、清代一人、蓋其習書歷八載寒暑而不輟、高義爲懷寧潘先生受祉怡然、潮安盧子少帆、台山劉君子清、潮陽陳君乙豪乙華昆季、此古人所謂內有賢父兄而外有嚴師友也、
是書初稿簡略、擇精汰蕪、繼思考證之作、取材亦未可過簡、計分八章、附表三、所引書目、凡二百餘部、然爲人之誥、亦不免焉、屬稿未竟、適聞亡姪肇起之喪、惻惻心痛、置筆數月、今雖補綴成書、然猶未能忘情、且索居甚久、孤陋寡聞、尚乞博雅君子教之、